



JABATAN PERKHIDMATAN VETERINAR MALAYSIA

LAPORAN LIPUTAN MEDIA

Selasa, 3 Januari 2023

| | |
|---|---|
| 1 | Lapan lelaki leka sabung ayam dicekup |
| 2 | Bekalan telur, minyak masak paket masih tidak cukup |
| 3 | Bekalan telur, minyak masak resahkan peniaga |

DISEDIAKAN OLEH :
UNIT KOMUNIKASI KORPORAT,
JABATAN PERKHIDMATAN VETERINAR MALAYSIA



ANGGOTA polis Bahagian Siasatan Jenayah IPD Simunjan semasa melakukan serbuan di lokasi sabung ayam di Kampung Entanggor, Sebuyau pada Sabtu lalu.

Lapan lelaki leka sabung ayam dicekup

SIMUNJAN – Keseronokan lapan lelaki yang sedang leka menyabung ayam di Kampung Entanggor, Sebuyau, di sini, bukan sahaja ‘terganggu’, malah mereka turut dicekup polis dalam satu serbuan pada Sabtu lalu.

Ketua Polis Daerah Simunjan, Deputi Superintendant Wong Tee Kue berkata, kesemua kaki sabung ayam itu berjaya ditahan selepas cuba melarikan diri ketika diserbu oleh pasukan daripada Bahagian Siasatan Jenayah Ibu Pejabat Polis Daerah (IPD) Simunjan.

“Beberapa peralatan yang digunakan dalam kegiatan sabung ayam itu turut berjaya dirampas.

“Kesemua tangkapan dan

rampasan dibawa ke IPD Simunjan untuk tindakan dan siasatan lanjut,” katanya dalam kenyataan semalam.

Beliau berkata, kes disiasat mengikut Seksyen 3 (1) Langkah-Langkah Pencegahan Penganiayaan Terhadap Binatang 1953.

Katanya, sabit kesalahan suspek boleh didenda RM1,000 atau tiga bulan penjara.

Justeru, beliau menyeru masyarakat supaya tidak terlibat dalam aktiviti berkenaan kerana ia merugikan diri sendiri dan keluarga.

Katanya, masyarakat yang mempunyai sebarang maklumat berhubung aktiviti tersebut boleh menyalurkan kepada pihak IPD Simunjan untuk tin-dakan lanjut.

Bekalan telur, minyak masak peket masih tidak cukup



KHIRUIZAN RAMLI mengangkat stok telur untuk diagihkan kepada peniaga di Pasar Besar Alor Setar semalam. - SHAHIR NOORDIN

ALOR SETAR – Kerajaan diminta supaya bertindak segera bagi memastikan bekalan barang keperluan termasuk telur dan minyak masak peket mencukupi menjelang Tahun Baharu Cina tidak lama lagi.

Presiden Persatuan Pengguna Kedah (Cake), Mohamad Yusrizal Yusoff berkata, ketika ini wujud kebimbangan terhadap bekalan bagi dua barang tersebut yang masih dicari pengguna di negeri ini.

Menurut beliau, walaupun bekalan telur di pasar raya besar kembali pulih, namun bekalan di kedai runcit masih meruncing.

"Pada musim cuti sekolah kali ini, kita dapat melihat permintaan telur yang tinggi, tetapi

masih belum mencukupi di negeri ini walaupun kerajaan sudah mengambil langkah membawa masuk telur import.

"Selepas cuti sekolah berakhir, permintaan ke atas telur mungkin menurun, namun permintaan pasti akan meningkat menjelang Tahun Baharu Cina."

"Jadi kita amat berharap agar masalah ini dapat diselesaikan secepat mungkin," katanya selepas melakukan tinjauan harga dan bekalan barang di Pasar Besar Alor Setar di sini semalam.

Sementara itu, peniaga runcit di pasar tersebut, Milatul Sham sul Mohd. Fauzi, 36, mengaku peniaga masih sukar untuk mendapatkan bekalan kedua-dua bahan tersebut.

Menurut lelaki itu, bekalan diterima juga terhad sehingga menyebabkan bekalan telur dihantar pembekal habis dalam tempoh singkat iaitu tidak sampai sehari.

"Keadaan itu menyebabkan pelanggan terutama peniaga makanan merungut. Jika mereka dapat bekalan telur tiba, pelanggan terutama peniaga makanan biasanya akan membeli dalam jumlah banyak sehingga empat atau lima papan, malah ada juga yang sudah buat tempahan awal."

"Telur dan minyak masak merupakan barang bersubsidi. Disebabkan itu, saya fikir kerajaan perlu mengambil langkah tegas untuk memastikan bekalan yang mencukupi," katanya.

Bekalan telur, minyak masak resahkan peniaga

Kerajaan diminta bertindak segera atasi barang tidak cukup

Oleh Noorazura Abdul Rahman
bhnews@bh.com.my

Alor Setar: Peniaga di Pasar Besar di sini, mengeluh kerana masih sukar mendapatkan bekalan telur mencukupi secara berterusan daripada pembekal sejak pertengahan bulan lalu.

Peniaga telur mengakui simpati dengan suri rumah dan peniaga kecil yang kebanyakannya pelanggan mereka kerana terjejas perniagaan.

Milatul Shamsul Mohd Fauzi, 36, berkata walaupun pelanggannya tak berhenti merungut, peniaga telur di pasar itu tidak dapat berbuat apa-apa kerana bekalan dihantar pembekal sangat terhad.

"Pembekal hanya hantar telur sekali atau dua kali seminggu dan bekalan pula terhad. Dahulu saya boleh ambil hingga 40 papan, sekarang separuh sahaja.

"Saya terpaksa hadkan jualan kepada pelanggan. Apabila stok tiba tidak sampai satu hari sudah habis," katanya yang sudah lapan tahun berniaga di situ.

Milatul Shamsul berkata, be-



Milatul Shamsul menunjukkan bekalan telur yang terhad di kedainya di Pasar Besar Alor Setar, semalam.

(Foto Noorazura Abdul Rahman/BH)

kalan minyak masak paket juga turut menerima bekalan terhad.

"Barang membatitkan subsidi, mestи ada masalah bekalan. Kerajaan perlu lihat perkara ini hingga ke peringkat akar umbi, saya fikir kerajaan perlu mengambil langkah tegas untuk memastikan bekalan mencukupi," katanya.

Permintaan tinggi
Sementara itu, Presiden Persatuan Pengguna Kedah (CAKE), Mohamad Yusrizal Yusoff, berkata kerajaan diminta bertindak

segera bagi memastikan bekalan barang keperluan, termasuk telur dan minyak masak paket mencukupi menjelang sambutan Tahun Baharu Cina tidak lama lagi.

Katanya, kini wujud kebingungan terhadap bekalan kedua-dua barangan itu.

"Walaupun bekalan telur di pasar raya besar dilihat kembali pulih, bekalan di kedai runctit masih meruncing."

"Pada musim cuti sekolah kali ini kita dapat lihat permintaan telur yang tinggi, tetapi

tidak mencukupi di negeri ini walaupun kerajaan sudah membawa masuk telur import.

"Selepas cuti sekolah berakhir permintaan telur mungkin menurun, namun dalam tempoh dua atau tiga minggu lagi kita akan menyambut perayaan Tahun Baharu Cina.

"Ketika ini permintaan pasti meningkat dan kita berharap masalah dapat selesai secepat mungkin," katanya ditemui selepas melakukan tinjauan harga dan bekalan barang di Pasar Besar, di sini, semalam.